



ATASSUT

UPA 2015/59

Siverth K. Heilmann

13. 05. 2015.

**Apeqqu-teqaat tunngavigalugu oqallittoqarnissaanik siunnersuut, qanoq iliornikkut aalisartunut piniartunullu atortuminnik piniutiminnillu ajunaarnersuaqartillugu annaasaqarsimasunut pisortaniit ikiorsiisarnerup nukittorsarneqarsinnaanera pillugu.**

(Inatsisartunut ilaasortaq Anthon Frederiksen, Partii Naleraq)

Siullermik inatsisartuni ilaasortaq Anthon Frederiksen, Partii Naleraq apeqqu-teqaat aallaavigalugu oqallisissiaqarninnut qujanaq imatullu naatsumik ATASSUT-miit oqaaseqarfigissavarput.

ATASSUT-miit maluginiarparput oqallisissiaqartup § 37 naapertorlugu apeqqu-teqaateqarsimanermi Naalackersuisuniillu akissutigineqartukkut nr. 2014/196 akissuteqarfigineqarnermigut naatsumik tunngavilersuuteqarluni, pisortanit ikiorsiisarnermut aalajangersakkat aqputigalugit nutaamik nalilersuisoqartariaqartoq.

Siunnersuuteqartoq ilumoornerarsinnaavarput inatsisitigut nutarterineq nalilersuisinnaanerlu periarfissaajuaannarmat, taamaattorli oqallisissiamut tunngatillugu Naalackersuisut akissutaanni inatsisitigut pioreersut atorlugit pisortanut ikiorsiissutinik qinnuteqartoqarsinnaaneq periarfissaareersoq ATASSUT-miit isumaqatigaarput.

ATASSUT-miit ilisimalluarparput, aalisartut piniartuinnaangitsullumi sillimmasiinissamut akissameerneck pissutigalugu sipaarutigineqaannartartoq, taamaalillunilu akiliinngitsoornikkut angallatit atortullu naleqaqisut pinngortitap piliannarinnigisaanik annaaneqartarneri ilungersunartuusooq. Taamaattumik pingaartuteqarluinnarpoq ajutoorsinnaanissamut sillimmasiinissap isumannaarneqartarnissaa.

Eqqaamalluarpara ESU-mi aningaasaateqarfik atorluarneqarallarmat, angallataatillit amerlaqisut aamma ajutoorsinnaanermut sillimasiinernut akiliinngitsoorneqartartut, allatullu ajornartumik ESU-imi attartorneraniik angallatit umiusinnaaneranut allatulluunniit annertuumik ajutoorsinnaaneranut akiliussigallartarnerit saneqqunneqarsinnaasarsimangillat.

Ataatsimiititaliami ilaasortaasarsimasugut nalunngilarput, ajutoornernut annertuunut sillimasiinerit sumiginnarneqarpata piginnittoq kisimi aannaasaqaannarani aamma nunatta karsianiit pisariaqanngitsumik annaasassat annertusinnaasartut. Aningaasaateqarfiummi pisariaqartittuarpaa, aalisartunut piniartunullu allarpassuarnut qinnuteqarfigineqartuarnissaa, aningasallu kaaviiartittuarneqarnissaat qularnaarniagassaallunilu.

Taamaattumik ATASSUT-miit isumaqarpugut, paasititsiniaajuarneq sapinngisaq tamaat anguniarneqartuartaqartoq.

Taakkuupput oqallisissiamut ATASSUT-miit oqaatigiumasagut.